

06.07.2015.



Članovi Ekonomsko-socijalnog vijeća (ESV) za teritoriju Federacije BiH danas su nastavili s razmatranjem radnog teksta novog zakona o radu (ZOR).

Tri partnera, Udruženje poslodavaca (UP) FBiH, Savez samostalnog sindikata (SSS) BiH i Vlada FBiH do sada su razmatrali više od pola članova, veći dio njih je usaglašen, a neki će ponovo biti razmatrani na narednim sjednicama.

UPFBiH i SSSBiH skupa su analizirali 48 članova, poslije čega su im se pridružili predstavnici Federalne vlade.

Neusaglašeni su u nekoliko članova za koje se smatra da su od velike važnosti, a tiču se definiranja plata i ugovora o radu.

Predsjednik SSSBiH Ismet Bajramović zadovoljan je do sada urađenim. Novinarima je kazao da će sindikat uraditi sve da radnici ostvare zaslužena prava.

Naglasio je da neće biti usvojen zakon koji će ići na štetu radnika.

Direktor Udruženja poslodavaca FBiH Mladen Pandurević ranije je razgovore ocijenio dobrim. On je mišljenja da su razgovori teški i mukotrpni i traže mnogo argumenata, te da moraju rezultirati željenim rezultatima, na zadovoljstvo svih strana.

Naglasio je da ne treba biti usvojen niti jedan prijedlog koji ide u korist poslodavcima, te da je siguran da će dogovori biti postignuti u većini stvari.

Nastavak sjednice ESV-a zakazan je za ponedjeljak, 13. jula, u 10 sati.